

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-5221-8/22

Datum: 24.10.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za sukcesivne nabavke auto guma za potrebe Uprave policije, imenovane Rješenjem broj: 02/5-1-30-1-3755 od 10.05.2022. godine, u postupku javne nabavke auto guma, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivne nabavke auto guma i okvirni sporazum za javnu nabavku auto guma za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- EURO DAM-JAS d.o.o. Lukavac za ponudenu cijenu od 212.628,68 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 24 (dvadesetčetiri) mjeseca. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču EURO DAM-JAS d.o.o. Lukavac po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

IV

Izabrani ponuđač EURO DAM-JAS d.o.o. Lukavac dužan je da u roku od 5 (pet) dana od dana prijema ove odluke dostavi dokaze navedene u tački 13. i 14.2. tenderske dokumentacije, a koje se odnose na član 45. stav (2) tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca (za član 45. stav 2. tačka od a) do d)), računajući od momenta predaje ponude.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-5221/22 od 20.07.2022. godine, Obavještenja o nabavci broj: 16475-1-1-36-3-68/22 od 26.07.2022. godine i Ispravka obavještenja o nabavci broj: 16475-1-1-36-

8-78/22 od 21.09.2022. godine, proveden je otvoreni postupak javne nabavke auto guma za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-5221/22 od 29.09.2022. godine, za aktivno učešće u postupku dostavljene su ponude ponuđača Unitrade d.o.o. Ljubuški, EURO DAM-JAS d.o.o. Lukavac i GUMA VP 200 d.o.o. Mostar.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-5221-6/22 od 19.10.2022. godine, kojim je utvrdila slijedeće:

- Da ponuda ponuđača Unitrade d.o.o. Ljubuški nepotpuna i ne ispunjava uslove tenderske dokumentacije.

Naime, u tački 15., na strani 9. tenderske dokumentacije stoji: „Svi dokumenti koje izdaje ponuđač, kao i priloge ove tenderske dokumentacije potpisuje lice ovlašćeno za zastupanje ponuđača (prema izvodu iz sudskog registra) ili drugo lice zaposleno kod ponuđača na osnovu punomoći koja u tom slučaju mora biti dostavljena uz ponudu u originalu ili ovjerenoj kopiji.,,

Članom 58. stav (1) tačka g) Zakona o javnim nabavkama („Službeni glasnik BiH“, br. 39/14 i 59/22) i članom 9. stav (2) tačka i) Uputstva za pripremu modela tenderske dokumentacije i ponuda („Službeni glasnik BiH“, br. 90/14, 53/15) propisano je da ponuda obavezno mora da sadrži i potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenoj kopiji.

Sve stranice ponude ponuđača je parafirala Ivana Šoše, kao i Obrazac za ponudu (Aneks II), Obrazac za cijenu ponude (Aneks III), Nacrt okvirnog sporazuma (Aneks VII), Obrazac povjerljivih informacija/podataka (Aneks VIII), Obrazac izjave o dostavi garancije za uredno izvršenje ugovora (Aneks IX), Obrazac izjave o prihvatanju opštih i posebnih uslova (Aneks X), a koja je navedena u Obrascu za ponudu (Aneks II) kao kontakt osoba, uvidom u aktuelni izvod iz sudskog registra koji je dostavljen u ponudi na strani 23. – 32. Ivana Šoše nije navedena kao ovlaštena osoba, niti je u ponudi ponuđač dostavio ovlaštenje/punomoć da imenovana može potpisivati stranice ponude.

Iz navedenih razloga Komisija cijeni da imenovana nema ovlaštenja, nema zakonski legitimitet da potpiše ponudu i sve dokumente u ponudi.

Navedeni ponuđač Unitrade d.o.o. Ljubuški je na strani 54. svoje ponude dostavio specifikaciju za ponudenu gumu dimenzija 235/70 R16, stavka 10. iz Obrasca za cijenu ponude (Aneks III) iz koje je vidljivo da je oznaka indeksa brzine T, što nije u skladu sa zahtjevima iz tenderske dokumentacije. U Obrascu za cijenu ponude Aneks III tenderske dokumentacije u koloni „Indeks brzine (min)“ Ugovorni organ je tražio minimalno oznaku H za navedenu stavku. Ovim nisu ispoštovani uslovi traženi tenderskom dokumentacijom, a u skladu sa članom 49. Zakona o javnim nabavkama BiH, te tačkom 14.3. (tehnička i profesionalna sposobnost u postupku nabavke robe) tenderske dokumentacije.

U skladu sa naprijed navedenim, ponuda ponuđača Unitrade d.o.o. Ljubuški nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da ponude ponuđača EURO DAM-JAS d.o.o. Lukavac i GUMA VP 200 d.o.o. Mostar sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 21.10.2022. godine sa početkom u 10.30 sati.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije nije došlo do smanjivanja cijena i podnošenja novih ponuda.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji Ugovorni organ je prihvatio ponudu prvorangiranog ponuđača, i to:

- EURO DAM-JAS d.o.o. Lukavac sa konačnom ukupnom cijenom ponude u iznosu od 212.628,68 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda broj: 02-11-4-5221-7/22 od 21.10.2022. godine i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x3
3. Odjeljenju za odnose s javnošću, radi objave na web stranici ovog organa
4. a/a